



兩漢博聞卷第三

更有三品

暴室

中二千石

佐酒

張飲

馱馱

擁彗

復道

乘傳

舍人

宿兵

柱國

詭辯

擁會

合從

約從連衡

景從

頭會箕歛

同產子

縣官

渙汗

郵亭

左道

相訐

鞶鼓

流庸

傳馬



馬口錢

緡錢

計帳

占租

倉廩

長楊五柞

橋度吏

侵漁

絕幕

柏梁臺

火耕水耨

泛駕之馬

跡弛

典屬國

水衡錢

僂仔

使殿

子大夫

笑商車

漕渠

不肖

惡少年

緩頰

間出

亢禮

三川

銜枚

老弱傳籍

甬道

陛下

三齊

苑囿

酒闌

賜告

繡衣直指

長揖

宗臣

法有祖

較然

藉橐

青瑣

濯歌

奉常

期門羽林

閑駒

少府

五兵

輸之司空

司隸

行在

執金吾

水衡都尉

越騎

戊己校尉

金璽鑿綬

徹侯

丞相

睢上

渥洼馬

朝日夕月

先甲 舳艫千里 汗血馬

裹蹄金 小步馬 鐵畜

晚節 計然 掌故

狼顧 服役 心計

齊民 均輸 平準 三木

鬪茸 青社 宵人

劍論 圜牆 少從 仰藥

進孰 積竹杖

招權 采金鄱水

更有三品 昭帝紀元鳳四年 食貨志

如淳曰更有三品有卒更有踐更有過更古

者正卒無常人皆迭為之一月一更是為卒

更貧者欲得顧更錢者次直者出錢顧之月

二千是為踐更也天下之人皆直戍邊三日

亦名為更律謂繇戍也雖丞相子亦在戍邊

調不可人人自行三日戍又行者當自戍三

日不可徃便還因使住一歲一更不行者出

錢三百入官官以給戍者是為過更也律說

卒踐更者也居更縣中五月乃更也後從尉
律卒踐更一月休十一月也志曰月為更卒

已復為正一歲屯一歲力役三十倍于古此
漢初因秦法二行之也後遂改易有謫乃戍
邊一歲耳更音工衡反又食貨志注師古曰
更卒謂給郡縣一月而更者也正卒謂給中
都官者也率計今人一歲之屯戍及力役之
事三十倍多於古也

暴室宣帝紀

掖庭令張賀嘗事戾太子思顧舊恩哀曾孫事
養甚謹為取暴室番夫許廣漢女

師古曰暴室者掖庭主織作染練之事署取

暴曬為名耳或云薄室暴亦薄也今俗語亦
云薄曬蓋暴室職務既多因為置獄主治其
罪人故徃徃云暴室獄耳然本非獄名番夫
者暴室屬官亦猶之番夫也注云漢官儀
曰暴室主宮中婦人疾病者其皇后貴人亦
就此室也

中二千石

黃霸以治行尤異秩中二千石

師古曰霸舊已二千石矣今增為中二千石
以寵異之此與地節三年增膠東相王成秩

其事同耳漢制秩二千石者一歲得一千四百四十石其云中二千石者一歲得二千一百六十石舉成數言之故曰中二千石者中滿也

佐酒高帝紀十二年

上置酒沛宮悉召故人父老子弟佐酒

應劭曰助行酒

張飲

上過沛留止張飲三日

張晏曰張帷帳也張音竹亮反

馱馱鄒陽傳

蘓秦相燕人惡之燕王燕王按劍而怒食以馱馱

孟康曰馱馱駿馬也蘓秦雖有讒謗而更食以珍奇之味

擁琴高帝紀六年

太公擁琴迎門卻行

李奇曰如今卒持帚也師古曰琴者所以掃也卻退而行琴音似歲反

復道

上居南宮從複道上

如瀉曰復音複上有有道故謂之復

乘傳

田橫乘傳至洛陽未至三十里自殺

如淳曰律四馬高足為置傳四馬中足為馳傳四馬下足為乘傳一馬二馬為軺傳急者乘一乘傳師古曰傳者若今之驛古者以車謂之傳車其後又單置馬謂之驛傳傳音張

變反

舍人

蘇林曰藺相如為官者令舍人韓信為侯亦有舍人師古曰舍人親近左右之通稱也後遂以為私屬官號又曹參傳注曰舍人猶家人也一說私屬官主家事者也

宿兵 韓安國傳二十二

韓安國曰孝文皇帝嘗壹擁天下之精兵聚之廣武常谿然終無尺寸之功孝文寤於兵之不可宿故復合和親之約

師古曰宿久留也

柱國 高帝紀

應劭曰柱國上卿官也若相國矣

詭辯趙王彭祖傳二十三

趙王彭祖為人心刻深好持律詭辯以中人師古曰詭辯違道之辯也中傷也

權會

趙王擅權使使即縣為賈人權會

韋昭曰平會兩家買賣之賈者權者禁他家獨王家得為之也師古曰即就也就諸縣而專權賈人之會若今和市矣會音工外反一子不事賈山傳

賈山曰陛下即位賑貧民禮高年九十者一子不事八十者二算不事

師古曰一子不事蠲其賦役二算不事免二口之算賦也

合從項籍傳贊一

過秦論曰諸侯恐懼會盟而謀弱秦不受珍器重寶肥饒之地以致天下之士合從締交相與為一

師古曰締結也從子容反締大系反

約從連橫

過秦論曰約從離橫

師古曰約誓為從欲以分離為橫橫謂秦也
馮衍顯志賦云毒從橫之敗俗注云毒恨也
關東為從關西為橫蘇秦事鬼谷先生為從
說關東六國為從親以畔秦會於洹水之上
剗白馬而盟張儀與蘇秦同師為關西橫說
說關東六國令事秦皆尚誣詐不遵道德

景從

天下雲合響應羸糧而景從

師古曰嚮讀曰響如響之應聲羸擔也景從

言如影之隨形也

頭會箕歛

張耳傳

頭會箕歛以供軍實

服虔曰吏到其家人人頭數出穀以箕歛之
同產子平帝紀元始元年

平帝即位令諸侯王公列侯關內侯亡子而有
孫若子同產子者皆得以為嗣

師古曰子同產子者謂養昆弟之子為子者

縣官

東平王宇傳五十

東平王宇曰今縣官年少

張晏曰不敢指斥成帝謂之縣官也

渙汗元帝永光四年

詔曰政令多還民心未得

李奇曰還反也易曰渙汗其大號言王者發號施令如汗出不可復反

郵亭薛宣傳

郵亭不修

師古曰郵行書之舍亦如今之驛及行道館舍也

左道王商傳

執左道以亂政

師古曰左道僻左之道謂不正

相訐

父子相訐

師古曰訐告斥其罪也

鞞鼓史丹傳

師古曰鞞本騎上之鼓

流庸昭帝紀

始元四年詔曰比歲不登民匱于食流庸未盡還

師古曰流庸謂去其本鄉而行為人庸作
傳馬

張晏曰騎馬也

馬口錢

元鳳三年

詔曰其令郡國毋歛今年馬口錢

文穎曰往時有馬口出歛錢今省如淳曰租
及六畜也

緡錢

武帝紀

李斐曰緡絲也以貫錢也一貫千錢出筭二
十也 師古曰謂有儲積錢者其計緡貫而

稅之緡武巾反

計帳

武帝元封五年明堂朝諸侯王公列侯受郡國
計

師古曰計若今之諸州計帳也

占租

昭帝紀

始元六年令民得以律占租

如淳曰律諸當占租者家長身各以其物占
占不以實家長不身自書皆罰金二斤設入
所不自占物及費錢縣官也

師古曰占謂自隱度其實定其辭也占章膽
反又言占名數其義並同今猶謂獄訟之辨
曰占皆其意也蓋武帝時賦斂煩多律外而
取今始復舊

倉廩

師古曰倉新穀所藏也廩穀所振入也

長楊五柞宣室志

武帝疾往來長楊五柞宮

師古曰長楊五柞二宮並在整屋皆以樹名
也

橋虔吏

師古曰橋與矯同其字從手矯托也虔固也
妄托上命而堅固為邪慝也

侵漁宣帝紀

侵漁百姓

師古曰侵漁者若言漁獵也

絕幕武帝紀元朔九年

衛青復將六將軍絕幕

應劭曰幕沙幕匈奴之南界也臣瓚曰沙土
曰幕直渡曰絕師古曰幕者即今之寗殿中

碩耳

柏梁臺武帝紀元鼎二年

師古曰三輔舊事云以香柏為之今書字皆從柏

火耕水耨

應劭曰燒草下水種稻草與稻並生高七八寸因悉芟去復下水灌之草死獨稻長所謂火耕水耨

泛駕之馬

師古曰泛覆也音方勇反本作豐後通用耳

覆駕者言馬有逸氣而不循軌轍也

跡弛

跡弛之士

如淳曰士行有卓異不入俗檢而見斥逐者也師古曰跡者跡落無檢局也弛者放廢不遵禮度也跡土各反弛式爾反

典屬國昭帝紀始元六年

蘇武前使匈奴留單于庭十九歲乃還奉使全節以武為典屬國

如淳曰以其久在外國知邊事故令典諸主

屬國師古曰典屬國本秦官漢因之掌歸義蠻夸屬官有九澤令後省并大鴻臚

水衡錢宣帝紀

本始二年以水衡錢為平陵徙民起第宅

應劭曰水衡與少府皆天子私藏耳縣官公作當仰給司農今出水衡錢言宣帝即位為異政也

倣仔昭帝紀

師古曰倣接幸也仔美貌也故以名宮中婦官或並從女音接余

便殿武帝紀

師古曰凡言便殿便室便坐者皆非正大之處所以就便安也

子大夫

師古曰子者人之嘉稱大夫舉官稱也志在優賢謂之子大夫

算商車

元光六年初算商車

李奇曰始稅商賈車船令出算

漕渠

穿漕渠通渭

如淳曰水轉運曰漕

不肖

師古曰肖似也不肖者言無所象類不材之人也

惡少年昭帝紀

發三輔及郡國惡少年更有告劾止屯遼東

師古曰惡少年謂無賴子弟也被告劾而逃亡者

緩頰高帝紀

漢王謂酈食其曰緩頰往說魏王豹

張晏曰緩頰徐言引譬喻也

間出

紀信曰事急矣臣請誑楚可以間出

師古曰間出投間隙私出若言間行微行耳

紀信詐為漢王而王出西門遁是私出也

亢禮

師古曰亢當也高下相當無所卑屈不獨為揖拜也

三川

沛公與項羽西畧地至雍邱與秦軍戰斬三川
守李由

應劭曰三川今河南郡也由李斯子韋昭曰
有河洛伊故曰三川

銜枚

章邯夜銜枚擊項梁

師古曰銜枚者止言語謹囂欲敵人不知其
來也周官有銜枚氏枚狀如箸橫銜之

老弱傅籍

蕭何發關中老弱未傅者悉詣軍

服虔曰傅音附如淳曰令老弱未嘗傅者皆
發之未二十三為弱過五十六為老師古曰
傅著也言著名籍給公家徭役也

甬道

漢王築甬道屬河以取教倉粟

應劭曰故敵鈔輜重故築垣牆如街巷也鄭
氏曰甬音踊師古曰屬聯也之欲反

陛下

應劭曰陛者升堂之陛王者必有執兵陳于
陛階之側羣臣與至尊言不敢指斥故呼在

西漢博古三
下閣下侍者執事皆此類也

三齋 田僖傳三

并三齋之地

師古曰齋及淳北膠東

苑囿 高帝紀

師古曰養鳥獸曰苑苑有垣曰囿所以種植
謂之園

酒闌

文穎曰闌言希也謂飲酒者半罷半在謂之

闌

賜告

高祖嘗告歸之田

孟康曰古者名吏休假曰告漢律吏二千石
有予告有賜告予告者在官有功最法所當
得也賜告者病滿三月當免天子優賜其告
使得帶印綬官屬歸家治病師古曰告者請
謁之言謂請休耳或謂之謝謝亦告也
左氏傳曰韓獻子告老禮記曰若不得病漢
書云謝病皆同義

繡衣直指 百官公卿表七上

服虔曰指事而行無阿私也師古曰衣以繡者尊寵之也

長揖 高帝紀

師古曰長揖者手自上而極下也

斬以狗

師古曰狗行示也司馬法曰斬以狗使人將行徧示眾士以為戒

宗臣 蕭曹傳贊

蕭曹位冠羣后聲施後世為一代之宗臣

師古曰言為後世之所尊仰故曰宗臣法有祖 王莽傳

今天法有設後世有祖

師古曰祖始也以此為法之始

較然

如此即羣下較然輸忠藜庶昭然感德

師古曰較明貌

藉橐 元后傳

車騎將軍音藉橐請罪

師古曰自坐橐上言就刑僂也

青瑣

孟康曰以青畫戶邊鏤中天子制也師古曰青瑣者刻為連瑣文而青塗也

濯歌

成都侯王商嘗病欲避暑從上借明光宮後又穿長安城引內澧水注第中大陂以行船立羽蓋張周帷輯濯越歌上幸商第見穿城引水意恨內銜之

師古曰輯與楫同濯與權同皆所以行船也令執楫權人為越歌也輯謂權之短者也今

吳越之人呼為橈橈音饒越歌為越之歌

奉常 百官公卿表

師古曰太常旌旗也畫日月焉王者大事則建以行禮官主奉持之故曰奉常也後改曰太常尊大之義也

期門 羽林

期門羽林皆屬光祿勳

服虔曰與期門下以微行後遂以名官師古曰羽林亦宿衛之官言其如羽之張如林之多也一說羽所以為王者羽翼也應劭曰天

有羽林大將軍之星

閑駒

太僕有龍馬閑駒橐泉駒駮承華五監長丞
如淳曰橐泉厩在橐泉宮下師古曰閑闌養
馬之所也故曰閑駒駒駮出北海中其狀如
馬駒徒高反駮音塗

少府

少府秦官掌山海池澤之稅以給共養
師古曰大司農供軍國之用少府以養天子
也供居用反養弋亮反

荀悅曰秦本次國命卿二人是以置左右丞
相無三公官

五兵 吾邱壽王傳

師古曰謂矛戟弓劍戈也

輸之司空 百官公卿表

宗正屬官有都司空令丞

如淳曰律司空主水及罪人賈誼曰輸之司
空編之徒官

司隸

司隸校尉持節從中都官徒千二百人

師古曰以掌徒隸而巡察故云司隸中都官
京師諸官府也

行在武帝紀

師古曰天子或在京師或出巡狩不可預定
故言行在耳不得謂京師亦為行在也

執金吾

師古曰金吾鳥名也主辟不祥天子出行職
主先道以禦非常故執此鳥之象因以名官
水衡都尉

張晏曰主都水及上林故曰水衡主諸官故

曰都有卒徒武事故曰尉師古曰衡平也主
平其稅入

越騎

越騎校尉掌越騎

如淳曰越人內附以為騎也師古曰宣紀言
伏飛射士胡越騎又此有胡騎校尉掌胡騎
與越騎校尉俱在八校尉數

戊己校尉

師古曰甲乙丙丁庚辛壬癸皆有正位唯戊
己寄治耳今所置戊己亦無常故取戊己為

名也有戊校尉已校尉一說戊已居中鎮覆四方今所置校尉亦處西域之中撫諸國也

金璽鑿綬

晉灼曰鑿草名也出瑯琊平昌縣如艾可染緣因以為綬名也師古曰璽之為言信也古者印璽通名今則尊卑有別漢舊儀云諸侯王黃金璽橐佗鈕文曰璽謂刻云某王之璽

徹侯

秦制爵二十級以賞功勞徹侯最貴金印紫綬漢避武帝諱改曰通侯

師古曰徹言其爵位上通於天子

丞相

秦有左右丞相

睢上元帝紀

蘇林曰睢音誰如淳曰汾陽縣治睢之上后土祠在縣西汾在睢之北師古曰睢者以其形高起如人尻睢故以名云一說此臨汾之上地本名鄭音與葵同彼鄉人呼葵音如睢故轉而為誰字故漢舊儀云葵上

漣洼馬武帝紀

馬生渥洼水中

李斐曰南陽新野有暴利長當武帝時遭刑屯田燉煌畝數于此水旁見羣野馬中有奇異者與凡馬來飲此水利長持勒鞞收得其馬獻之欲神異此馬云從水中出師古曰渥音握洼於佳反

朝日夕月

師古曰春朝朝日秋莫夕月蓋常禮也郊泰時而揖日月此又別儀

先甲

詔曰辛亥夜若景光十有二明易曰先甲三日後甲三日朕飭躬齋戒丁酉拜況于郊師古曰况賜也辛亥有光是先甲三日也丁日拜况是後甲三日也故詔引易文

舳艫千里

李斐曰舳船後持舵處也艫船前刺櫂處也言其船多前後相銜千里不絕也

汗血馬

貳師將軍李廣利斬大宛王首獲汗血馬來作西極天馬之歌

孟康曰言大宛國有高山其上有馬不可得
因取五色母馬置其下與集生駒皆汗血因
號天馬子云應劭曰大宛舊有天馬種躡石
汗血汗從膊出如血號一日千里師古曰躡
石者謂躡石而有跡言其蹄堅利

裹蹄金

詔曰泰山見黃金宜改故名今更黃金為麟趾
裹蹄以協瑞焉因以頒賜諸侯王

師古曰武帝欲表祥瑞故普改鑄為麀足馬
蹄之形以易舊法耳今人往往於地中得馬

蹄金甚精好形製巧妙裹收了反
小步馬

烏耗國出小步馬

師古曰小細也細步言其蹠足即今所謂百
步千跡者也烏一加反耗直加反

熾畜

孔氏傳
師古曰熾細也與纖同畜愛也細吝于財利
也

晚節

石顯傳
元帝晚節寢疾

師古曰晚節猶言末時也

計然

貨殖傳

句踐困於會稽之上乃用范蠡計然

孟康曰姓計名然越臣也師古曰擬古今人表計然列在第四等一號計研故賓戲云研桑心計於無垠即謂此耳計然者濮上人也是博學無所不通尤善計算嘗南遊越范蠡甲身事之其書則有萬物錄著五方所出皆直述之事見皇覽及晉中經簿又吳越春秋及越絕書並作計倪此則倪研及然皆相近實

一人耳

掌故

錯傳

錯以文學為太常掌故

應劭曰掌故六百石吏主故事

狼顧食貨志

失時不雨民且狼顧

李奇曰狼性怯走喜還顧言民見天不雨今亦恐也

服役

今農夫五口之家其服役者不下二人

師古曰服事也給公事之役也

心計

桑弘羊洛陽賈人之子以心計年十三為侍中
師古曰心計不用籌策

齊民

如淳曰齊等也無有貴賤謂之齊民

均輸 平準

桑宏羊為治粟都尉領大農請置大農部丞數十人分主郡國置均輸鹽鐵官令遠方各以其物如異時商賈所轉販者為賦而相灌輸置平

準於京師受天下委輸大農諸官盡籠天下之貨物貴則賣之賤則買之如此富商大賈無所牟大利則反本而萬物不得騰躍故曰平準

三木 司馬遷傳

魏其衣赭衣關三木

師古曰三木在頸及手足

闞茸

師古曰闞茸猥賤也闞下也茸細毛也言非豪傑也闞吐合反茸人勇反又賈誼傳注闞茸下材不肖之人也

青社齊懷王傳

皇帝使御史湯廟立子闕為齊王曰受茲青社
師古曰於廟授策張晏曰王者以五色土為
大社封四方諸侯各以其方色與之苴以白
茅歸以立社

宵人廣陵厲王傳

應劭曰無邇近小人也

劍論司馬遷傳

司馬氏在趙者以傳劍論顯

服虔曰世善劍也師古曰劍論者能劍術也

論來頓反

圜牆

幽於圜牆之中

師古曰圜牆獄也周禮謂之圜土

少從張騫傳

師古曰漢時謂隨使而出外國者為少從摠
言其少年而從使也從材用反

進孰

大宛以西皆自恃遠尚驕恣漢使往既多其少
從率進孰于天子言大宛有善馬

師古曰進孰者但空進成熟之言

積竹杖 昌邑王傳

昌邑王徵詣長安為昭帝嗣到濟陽求長鳴雞

道買積竹杖

文穎曰合竹作杖也

仰藥 息夫躬傳

師古曰仰首而飲藥也

招權 季布傳

辯士曹邱生數招權顧金錢事貴人趙談等

師古曰言招求貴人威權因以請託故得他

人顧金錢也

采金鄱水 地理志八上

孟康曰鄱陽鄱音婆師古曰采者取金之處

兩漢博聞卷第三終

師古曰進孰者但空進成熟之言

積竹杖 昌邑王傳

昌邑王徵詣長安為昭帝嗣到濟陽求長鳴雞

道買積竹杖

文穎曰合竹作杖也

仰藥 息夫躬傳

師古曰仰首而飲藥也

招權 季布傳

辯士曹邱生數招權顧金錢事貴人趙談等

師古曰言招求貴人威權因以請託故得他

人顧金錢也

采金鄱水 地理志八上

孟康曰鄱陽鄱音婆師古曰采者取金之處

兩漢博聞卷第三終

國

西
三

三

